


沈乃文 主編

明別集叢刊 第一輯

第五十一冊

黃山書社




沈乃文 主編

明別集叢刊 第一輯

第五十一冊

黃山書社



(明)釋宗賢 撰

飢寮集二卷

清東武李氏研錄山房抄本

儼齋集

古杭月堂宗賢著

題高山四皓圖

併吞六國燒書時白頭正茹高山芝
蕞芝有味勝梁肉自甘不
許秦人知函關忽破漢軍入四翁
未了秤中碁道高義不受人
辱沛公何由得見之一朝共墮留
侯計出從太子朝形墜人視
之寃始於此危者安兮安者危

妾薄命

妾顏如花好妾命如葉薄結縞有
願無良媒懷抱春來頻作惡
傳針嬾綉紫羅襦紅冰暗逐東
風落妾薄命其奈何憐者少兮
妬者多今年冷落又明年藍橋
好夢成蹉跎君不見王昭君蔡

文姬一生愁恨多流離娉婷空有
勝人貌不若無鹽心坦夷

寄友人扇

才疎不能遠寄青玉案家貧難以
分贈錦綉段思君不見將奈
何聊贈一握蘇州扇蘇州扇小
情意深結交豈在多黃金陳雷
膠漆昔共許君之心即我之心

行路難

有書且莫看有琴且莫彈請君試
靜坐聽歌行路難行路難難
細數共室無殊隔吳楚通衢舊
有九尾狐開市儘多人面虎甲
心歡乙心苦側足行猶碍阻欲
移澗步踏春風眼前都是他鄉
土行路難李林甫

禪師別號石泉



餘欲深鑄中威沸流無竭瑩微絕
泥滓豈有溫生滅治源脉
長歷過塵沙刻分斛注天瓢能
沃群迷熱西支五竺通南與曹
溪接清濁自家知不許人分別
滋雲氣濕濛濛石聲幽咽何年
借一掬淨洗我三業

梅圖與計月溪賦

寒威愛疊隆冬時萬木凍折無完
枝孤根煖獨抱陽德高標不
怕霜侵欺紅椒忽破見白玉漏
泄春信人方知自然嫵媚有香
氣不待遠近嚴風吹姑射仙人
粉瘦容殘粧半整珠珮垂師雄
曾在夢中見月落參橫踣路遲
我亦昔年到湖上折花寄與長
相思今朝畫裡喜重見儼若風
流前日姿未賞廣平賦且贈林
逋詩願梅結子年年熟金鼎調
羹定有期

金鄉翁耕雲歌

不願錢多說銅臭不願勢威為
高官買田買牛作農父百年可
遺兒孫安黜陟之聲不到耳眼
前夫婦常團圓扶犁耕煖有生
意一片綠雲春野寬錦鴿不啼
天不雨候蟲出穴蓂衣乾挂書
牛角牛耳濕輟耕便把書來看
看書且樂堯舜道淳名與我何
相干日暮歸來節屋底香杭米
飯黃蘗盤老瓦盆盛桑落酒妻
斟子勸同歌歡悠悠老向太平
世有脚不知行路難教孫學耕
種莫學人彈冠教女學機杼勤
則衣裙完豈不見河南馬氏足
豪毅高增所陸稱金鑒一朝日出
凍痕盡酒囊飯袋仍饑寒又不
見齊奴金散綠珠死春風梓澤
耕為田吁嗟富貴草頭露炙手
可熱無多年躬耕爭似鹿門叟
千秋萬古人稱賢千秋萬古

人稱賢

隱士圖

泉甘土肥處結屋可終老山光滴空翠日夕清懷抱不知有官府且無塵事擾床懸白雲影起晷眠常早夢回笑世人白頭忙未了

擬宋景濂作磨兜堅一首

磨兜堅謹言語口是禍門當記取戒之戒之曾子訓出乎爾分反乎爾磨兜堅欲非人先忤已須信隔牆猶有耳舌頭三寸禍之媒鐵口金人良有以磨兜堅深藏舌謹閉口莫與他家分醜告密門開師德安此老括囊寧有咎磨兜堅人心險三峽水對面有刀藏笑裡惺惺請勿笑癡呆呆人不到崖州死磨兜堅戒

說集

三東武李氏研錄
山房校鈔書籍

啾啾守玄嘿立仗馬鳴遠近從今有口固如瓶要使時人稱

威德

好

田野間飲無絲竹娛耳作種田歌歌之以侑觴

蠶豈熟小麥黃繰車聲裡南風涼犁頭換缺鋤換柄此時獨有田家忙男耕女拔秧婆婆送飯孫提漿停忙就餉坐依草苦辛不覺羹湯香一畝二畝趨促種三日五日青成行田窪易生稗土瘦苗難長子不得休息妻不晨梳粧手胼足胝曾不惜惟憂水旱生蟲蝗陳姓酬酒祭田祖願田得熟無凶荒不可忍者是饑腹所難負者官倉糧農可慙農可傷盆中之飢難得嘗君不見朱門客青樓娼粟盈廩衣盈箱斟美酒割肥羊何曾說者田家忙田家忙忙四時富者不知貧者知百物惟宜布種早既

熟休教收欽遲尚勤儉慮寒饑家肥弗被人輕欺我見懶惰不忙者少未無業長皺眉耕讓畔居讓籬饒人些子得便宜豪強伶俐出惜懂朴實人家生好兒歌我種田歌請君仔細思姚家之黃魏家歡怎及田家桑樹枝歌我種田歌請君仔細思雕牆峻宇絢青紫到頭揔不如蒹葭歌我種田歌請君仔細思百工技藝農為本守此業分毋改移

勉東皋生

要作吳中第一人五車書裡去留心非因筆底文鋪錦那得腰間帶裏金舌在何憂無富貴才疎終見老山林渠儂果是奇男子必向芸牕惜寸陰

說集

四東武李氏研錄
山房校鈔書籍

早春書懷

笑見泥牛喚受鞭春風與我又增年心無繫累堪為客腹有文章可換錢未老尚能持劍舞雖貧端不要人憐平生願學秦維翰改業須磨鐵硯穿

早夏書懷

夏到猶穿舊布裘貧如范叔拙如鳩慈能瘦客腰寬帶老不瞞人雪在頭有竹林家常夢想無風波處且淹留樓佐望近重登塔目極西南念首丘

眼見堂堂春去盡炎官布令夏初來榴花爛熳紅如火荷葉圓圓小似杯處世不忙窮快樂驚人無語老癡呆山中有屋堪容膝不把黃金買釣臺

索索縲車白引絲田家此日不憂飢芹羹嫩滑加鹽煮麥餅香
甜裏菜炊地盞濃陰蕉放葉門遮新綠樹添枝悠然一枕南窓
下夢到華胥睡醒遲

無題

翠合雙眉豈為貧有書難寄意中人青蠅舊汗他家壁白氈今
沾何處塵蒲葉經霜難自保燈花報喜恐非真玉簫聲斷江州
遠往事牽心入夢頻

失去高陽扇戲書

銅頭竹骨紙衣裳南去高陽是故鄉熱處展開涼處摺手中拈
弄袖中藏曾因醉酒拋筵上或要驅蚊放枕傍昨日無端嫌我
老辱身重去換新郎

戲家集

悼計文致

被人謀死於水

山東武李氏研錄
山房校鈔書籍

嫌君耽僻忌君才談笑中間有禍媒龍引魂歸藏水府子衡寬
去訴霜臺鄉評月旦芳名在霧塞乾坤怒氣來記得年前花柳
月黃葵燒筍共傳杯

悼史秋江

酌酒論詩伴漸無故人今日又云殂樓藏手澤琴書在泪滴麻
衣子女孤潑潑珠沉難再見華胥夢熟不容呼空中昨夜星光
陸驚散依樓屋上烏

咏魚

曾向龍門點額來要知端的看紅腮潮高有力隨潮去海闊無
嫌到海回此日淹留三級浪他年變化一聲雷吞舟豈是池中

物頭角殊時換舊胎

七夕見雙星

金梭擲却巧粧梳夜渡銀潢覓舊夫遠別身因愁裡瘦相逢病
向笑邊無聊為弄玉三更樂也勝嫦娥一世孤月落靈官催曉
發行遲嬌欲倩人扶

寫寄悅中上人

趁此秋涼且讀書古人勤苦惜三餘材逢匠石方成柱鱗入天
池不是魚念爾有才終變化慚予無力為吹噓皇風浩蕩乾坤
闊是處雲山可卜居

贈雙林凌先生

能行針名聞于時

活物之心天地同金針鋒裡有陰功如移此術醫天下肯使貧
民在病中定穴遠傳仙子訣輕財全有古人風悠悠老向山林
下美譽遙馳動上公

戲家集

山東武李氏研錄
山房校鈔書籍

壽月潭老師

師能數息更空寂自少康寧到白頭不許心田生宿草常將智
水洗閒愁冥搜是妄嫌齊己年紀添多只趙州手種青青前樹
鱗皺看直到千秋奇

贈醫士顧克信

別號東軒

小結幽軒杏樹東朝朝先見日輪紅涼消暑氣簾前雨煖送花
香巽上風門對扶桑暘谷遠溪橫略約海潮通春晴曬藥依蒼
坐境勝人清似畫中

送舉人周行之赴試春闈

此行騰步上層霄脫却青衫換錦袍玉僧連城逢聖主文光照
世動時髦黃金榜上魁多士香餌竿頭得六鰲到此方伸丈夫
志馬蹄輕快氣英豪

思竹馬先生乃父爰竹父沒先生以思竹為號

庭前竹是吾親種親入重泉竹亦枯夢裡清風何日見眼中珠
泪幾時無逢霜暗想禁寒節靦面深漸反哺烏不報平安無好
信翠雲零落鳳雛孤

送陳上舍赴選

聖主如堯重雋才久虛前席待君來今朝踴躍春風去佗日榮
看畫錦回白髮親膺封邑誥青年子管讀書臺官居一品三台
上德澤頻施潤九垓

謝 案

山東武李氏研錄
山房校鈔書籍

春日偶成

春深時節尚如冬百草藏芽在土中凍雪不消山有白游蜂未
出樹無紅行人路滑村村雨賣酒旗搖日日風陰沴似同陽德
較欲從天上問三公

悼一松老師

二鼠無情噉斷藤千呼萬喚不重磨人人見說流雙泪得得來
尋少一僧童子罷燒煎藥火飛蛾爭撲照龕燈平生未了閒公
案今日都將付惠能

覺長老退院寫贈

鉏耒收藏欽化權東歸已了住山緣重尋舊屋牽蘿補淨掃香
床聽雨眠不管流年添甲子從佗海水變桑田悠悠多少閒中

趣半在松邊與竹邊

洪長老退席寫贈

識破浮名成一笑急流勇退便安閒丟開白棒深藏古覓得青
錢且買山人被年催寧不老烏因飛倦尚知還從今懶與心相
今日照松頭未啟關

送竹溪長老住山住東禪寺

獅子劬琴彈一曲眾絃皆絕寂無聲東南白足僧重出西北黃
河水又清麟鳳龜龍人始見烏焉亥豕字方明紛紛鈍鐵墮爐
鐺此日都憑煅煉成

悼圓明景老師

此老身披木直掇心隨落日向西行聊將隻履藏新塔不駕三
車入化城文字埽空無剩語衣盂傳授有香名寒風亂響門前
葉似助諸僧慟哭聲

題畫與約上人賦

家住千山萬木村雖貧亦感聖君恩園宜種藥秋收未更不催
租夜到門儘有閒情看竹坐了無機事對人論百年留得琴書
在清白相傳與子孫

與月菴諸公游張家墩賦此

巨浸中間土一墊周遭無路可通村鷗鷺隊散人呼渡漁曬網
醒僧閉門古額不磨庵已舊殘碑可讀字猶存涼多六月蒼無
暑濕氣沾衣水霧昏

大音詩為雷上人賦

藐藐虛空忽有聲驚開蟄戶燒痕青人間不及揜雙耳雲際應
知走六丁巖谷消寒陰溜響海波生暝卧龍聽無聞汎見參玄
士靜擁禪袍正掩局

題古木圖

亭亭一樹高千尺老向山中人不知尚有清陰遮碧篠豈無餘
力長新枝經霜經雪能禁冷為棟為梁或可期大廈將傾用材
日憑誰先說與工師

茆屋看書圖為陸郡侯賦

老賜歸田感聖恩因閒重展舊書溫嘉言不忘心猶壯細字能
看眼未嘗得此昔曾調鼎鼎傳之今復課兒孫五車換得千鍾
粟不許僱租吏到門

東武李氏研錄
山房校鈔書籍

春日書懷

閒閒眼看人間事不定無殊局面甚趣健有錢須換酒逢閒得
伴且吟詩迷村重霧易吹散當戶好山難動移為問東風游冶
子春花紅有幾多時

長至日書懷舟泊南溪橋

此日陰消長一陽遠人猶未得還鄉蘆花浦口看明月柳樹橋
頭繫短航牢落一寒如范叔哀遲兩鬢似馮唐平生學得詩無
用身世玲瓏老益忙

立春即事

官城看打土牛歸便覺春風在竹扉隣喚客嘗新菜餅鳥催人
脫舊綿衣晴川鮮凍仍東注旅鴈隨陽又北飛繞屋梅花詩思

好不妨車馬到門稀

都下送僧還鄉

白玉塔前承主恩袈裟笑挽出都門折蘆夜渡江心月乞食朝
投郭外村楊柳未陰春尚淺桃花欲落水初渾故園師去三千
里何日還來與重論

次韻題松巖卷壽僧錄別號

荷纓曾從雨後栽青山別却去還來好緣未斷元非夢舊路重
行半是苔低護翠雲看葉長亂飄金粉見花開誅茆我且相依
住一任時人笑不才

舟次武進縣書懷

東風吹雪暗江濱梅萼衝寒報早春蓬底自憐鄉國遠天涯誰
念客途貧都無綠醕消離恨只有青燈伴病身此夜玉樓金帳
庭淺斟低唱是何人

東武李氏研錄
山房校鈔書籍

訪一舟僧匿不出迎留此于壁

愧我貧無赫赫聲登門誰肯出相迎離多會少成生客事冷年
深斷舊情簷蔔花前空問路芭蕉葉上謾題名黃鸝似不知人
意欲去嚶嚶隔樹鳴

挽長老海無涯其患瘧痺病十年不能步

雙眉愁合病懶瘦比維摩懶坐禪一榻獨眠籌室裡十年不
出寺門前呻吟有苦憑誰說藥石無功只自憐昨夜忽思天竺
去盡將衣鉢向人傳

贈周汝輝奉化縣二尹之子曾游泮水

公子風流一鳳雛
蜚蜚聲價動三吳
曾窺玉兔宮前桂
要挾龍額下珠道
在不隨流俗轉才
高自與衆人殊
花時邂逅初相識
對我留連醉酒壺

牡丹在岳祠院賞

老眼看花似霧中
心情不與少年同
惟圖酒有十分醉
不恨庭無一點紅
彈指光陰渾似夢
到頭顏色摠成空
儂家多少青春伴
此日都成白髮翁

牡丹在錢大據家賞

蝴蝶翻風宿雨乾
花開國色倚雕欄
一簫暝日蒸霞氣
幾朵含香簇錦團
釀酒要期賓客賞
培根欲使子孫看
今朝我向君家醉
忘却人間行路難

松陵王君先為僧後還俗娶偶戲贈

主東武李氏研錄
山房校鈔書籍

難忘飯裡錦香囊
老別湖頭紫翠房
買地重開新第宅
看花懶著舊衣裳
風前短燭無多焰
眼底紅塵有許忙
可惜青青甘蔗種
亂栽秋圃不成行

贈松陵無猷長老

悟得曹溪一味禪
聲光遠到玉堦前
欣看捧檄逢時出
不許懷珍掛室眠
繚繞看雲圓
衆衲指搗如意說
三玄洗光佛日扶
宗鼎要與人人揭蓋纏

簫竺芳長老住三塔寺

雨露新沾出帝都
歸將佛法化三吳
名高荆楚連城壁
光比摩尼破暗珠
掣電機鋒誰敢觸
懸絲宗鼎力能扶
雷音獨振升堂

處紅白紛紛擁座隅

悼周孟璋母

節近登高暑氣無
庭萱忽報碧葭枯
苦中有子朝垂淚
燭下無人夜辟纒
夢入瑤池仙駕遠
玉埋幽竈漆燈孤
我來致吊西風裡
忍見堂前戲綠圖

悼倪先生子

明珠擊碎巨靈鞭
無復重圓世共憐
蕉鹿事空醒大夢
薤歌聲起隔重泉
兒孤况值垂髫日
父老今臨戴白年
寂寞不堪風雨夜
聚頭無語哭燈前

舟中即事

偶向溪頭晚泊船
老農相見話今年
時凶况值民多疾
物貴仍蕪米直錢
入夏不收連日雨
到秋重沒過鄉田
憑師莫問西成事
多少人家斷爨煙

寄倪先生

市近空聞有酒沽
窺囊悅我一錢無
清貧可比陶元亮
獨醒渾如楚大夫
兩月不持排悶盞
一冬長傍煮茶爐
年凶况復身漂泊
折簡誰招醉玉壺

挽筠軒處士

頭白人如三寸燭
難禁急急晚風吹
九泉得路便歸去
一息不來長別離
陶選雨荒藹下
菊高山香老石邊
芝孤燈欲滅羅幃冷
正是共姜腸斷時

網魚圖

渡口朝來晴復陰雙鴉喚雨隔春林鯉魚入網一斤重新水沒
灘三尺深搖獨櫓直千金蓑衣換酒老年心夫妻聚首蓬牕下
歡笑曾無頭白嗔

寄金明大禎上人

江楓葉落夜霜飛遠客身貧未授衣客髻漸驚秋後改鄉園長
在夢中歸新知舊好音書絕白屋青氈活計微牢落悲懷無處
寫晚登高塔望斜暉

山林小景為律上人賦

布衲琴牕深隱處山頭遮屋樹遮門無心自與寂寥合有耳不
聞城市喧塵過與殘園菜甲樵來踏破逕苔痕閒邊悟得曹溪
旨世不知名道益尊

說家集

山東武李氏研錄
山房校鈔書籍

竹深軒卷為雲上人賦

衲深愛竹竹間住四五百竿青繞軒送響有風來入座借看無
客敢敲門長梢禁玲琅玕瘦密葉攢陰翡翠繁一擊恍然明白
處此時宜對阿誰言

寄北麻馨長老

門換桃符歲歷新東風不散客途貧方阜有眼應知馬尼父多
情定泣麟日色自同雲送煥梅花閒與柳爭春蒼溪溪上山如
畫此日歸尋寄病身

寫情

夜夢春愁亂似麻思家便未得還客床頭金盡人人笑局面棋
輸着着差一棹貪為吳地客三年不見故園花朝來試覽青銅

鏡羞見蕭蕭兩鬢華

挽南麻壽講師

毘嵐風忽起松陵撲滅祇園照世燈設利有靈藏一塔宗門無
主泣諸僧江滙易散留難住儀像空遺喚不磨舊日徑行溪畔
路苔痕青積幾多層

挽奉先達老師

道德吳中獨此僧慚予不識只聞名無由可見空成夢有願來
尋已隔生靈塔苔侵添寂寞影堂燈在不分明門人何處堪腸
斷雨打芭蕉春夜聲

小畫為雨上人題

重疊崗巒曲折溪松杉深處是招提清風九夏門長靜綠草三
春路易迷石上雲生僧不埽林端日出鳥先啼當年我亦曾將
到墨澗蒼崖有舊題

說家集

山東武李氏研錄
山房校鈔書籍

書懷寄愷悅中

秋城賣盡古戍瓜江上芙蓉欲放花舊扇為涼重入篋遠人因
病却思家溪頭水淺魚書斷天末風高雁字斜自笑年來諸事
減滿頭霜雪獨增加

咏梅

根深自信得春遲獨立空山且待時瘦骨從教殘雪壓酸心不
許俗人知枝頭結子寧無日鼎內調羹或可期未過揚州何水
部寒香空逐晚風吹

悼陳上舍室

蕭聲吹斷赤繩緣弄玉先騎鳳上天紅粉面嬌難再見青銅鏡
破不重圓愁迷水國飛精衛血灑花枝泣杜鵑留得無依兒女
在夜圍蕭史哭燈前

寫懷

歌我新詩停爾鵲新詩調苦易沾裳可憐尊菜性多冷誰信海
棠花不香遶鵲空懷千載恨圍蜂浪費一春忙丁寧說與無鹽
道莫學秋娘巧樣粧

愚隱為錢君賦

舉世惺惺我獨愚甘為貧賤住茆廬高眠不作趨炎夢靜坐惟
看種樹書算老已知頭有雪開門敢怨出無與從他伶俐城中
客要比僕閒提不如

微察

集

山東武李氏研錄
山房校鈔書箱

悼楊氏母

一夜涼風掃至坤忘憂草萎發星昏塵凝杼軸機聲斷香冷杯
圍口澤存有子罷溫冬夜被無人重倚夕陽門青裙拭淚隣家
媼來拜儀床數舊恩

挽岳祠行講師

師壽有如春夜夢正甜無奈曉鐘催諸僧挽袖留難住隻履登
迷去不回塵海已沉行道筏雲山空見講經臺蓮花社裏高名
在不逐閑雛變刼灰

悼東禪寺禧長老

勞生同作夢中夢師被阿誰先喚醒紙上丹青留畫像寺前風
雨泣山靈併收設利光難掩龍出軍持水尚腥掃月堂空香篆

冷此生無處問安寧

秋日訪慈雲寺天章上人

秋風吹我到禪寮此是相尋第二遭道合自無雲雨手情真不
比世逢交波沉菰米魚添食葉落楓林鳥露巢欲去更留歸路
晚海門生白月輪高

松巖與應天童上人賦

巘岼峭拔數千尺下有萬牛回首村自喜靈根深得地曾經劫
火不成灰青搖偃蹇濤聲合白擁鎗研雲氣來布衲頭陀依此
住夏涼無夢到天台

挽李潤之

入門先見是儀床拜罷儀床寸斷腸良友已從泉下去老夫猶
在夢中忙無因復對三杯酒有淚空添一炷香更約他生會何
處葛洪川畔與瞿塘

贈陳千兵介菴

將軍生長太平年武略文華兩獨全靖海慣將鯨浪裡承恩曾
拜鳳樓前氣吞胡羯三邊種令肅貌貅萬灶煙熟讀兵書思報
國張燈夜夜看龍泉

相會蘇城顏先生

邂逅相逢水寺中始知君是抱珠龍青雲未達趨荀或絳帳曾
開學馬融錯落珠璣生咳唾光銍星斗貫心胸芭蕉聽下燒紅
燭對我殷勤話夜鍾

贈門人范用柔

微察

集

山東武李氏研錄
山房校鈔書箱

冰生于水冷如水青出乎藍青勝藍十載燈牕曾苦學五車經
史力窮探渠身未達應思北吾道今傳已過南見說年來施絳
帳群英擁座聽高談

寫懷

無由可到日頭邊汨沒泥途只自憐有好心存因識字不如人
處為無錢含愁坐看燈前劍送老思耕郭外田富貴不來成老
大今年牢落又明年

天民達講師退席贈此

老無勛力開爐竈收拾鉗鎚且養恬有過便從今日改無忙不
被此山嫌閒聽夜雨高燒燭煥放春風半捲簾瘦着荷衣甘冷
淡厭人開口話趨炎

詠柳

山東武李氏研錄
山房校鈔書箱

日日東風搓柳枝漸看搓綠軟如絲依稀有影遮門戶婀娜無
心管別離霸岸新愁憑雨洗章臺舊恨許誰知花飛不受昏拘
束滾地如毬悞小兒

思牡丹

遙憶牡丹花一枝可憐全在半開時芳心舊日曾知我國色今
年又對誰葉底有香風度遠階前無影月來遲好因緣斷難重
見永夜空勞入夢思

送約上人往補陀了香愿

南海南頭是補陀蓮花洋裏一青螺神堯啟運封疆遠大士尋
聲救苦多風送潮來高似屋帆催船去快如梭知師到得燒香

處小白花萬三月過

讀文山先生集

旄頭星現北風號宋室君臣坐不牢萬姓低頭降左柱六飛隨
日向南逃孤身徇國心何苦隻手扶天氣獨豪留得功勳在青
史至今名與泰山高

寶劍

天生神物氣衝霄得遇張華價便高躍入波濤思變化剪除奸
佞有功勞逢人不許千金買出匣能驚萬鬼逃善飯將軍須着
眼休教錯認是鉛刀

鶴

服食華芝五十年身輕自信必成仙低頭肯與雞爭粟整翮將
隨鳳上天紫府瑤臺曾有夢紅塵鬧市本無緣孤棲不合起凡
眼要看人間海變田

馬

伯樂墳荒沒草萊無人有眼識龍媒常思萬里追風去不願千
金買骨回老不遭逢空俊逸生因流落困興隆青鬃豈終無
分瘦卧東南望水隈

次韻寫贈孫縣尹文聚

脫却朝衫便不忙歸來深鑿種魚塘當門要植三槐樹傍水新
開五柳庄倒着接鄰元亮醉笑騎驢子謫仙狂春來為愛僧清
淨兩度相尋到草堂

骭躄身雖近日邊憂民未老雪盈顙康同靖節彭澤歸效楊

微寮集

山東武李氏研錄
山房校鈔書箱

雄草太玄三選菊松新活計半生詩酒舊因緣留侯有智知幾
早辟父燒丹去學仙

牡丹在雙溪潘老人家賞

賞遍南園北苑花尋春今又到君家凭闌笑看千堆錦眩眼香
迷一片霞謾舉金罇人酩酊曾催羯鼓事豪奢相逢不語渾如
夢綽約空憐隔絳紗

吉祥寺裡曾相見富貴人家又得逢惟賞已忘疇昔事風流不
減舊時容日烘翡翠枝先軟露洗胭脂色轉濃為報青春看花
伴無辭今日醉歌鍾

初夏書懷

三年不見浙江湖夢裡還家知幾遠老去自憐成逆旅寒來誰
肯贈綈袍葵傾夏日心尤熱萍寄春江跡不牢上盡層樓望西

本東武李氏研錄
山房校鈔書

北鄉山更遠復登高
破除萬事飲杯酒蕩滌孤懷吟首詩蝶散已驚花盡日蟬鳴又

是夏來時一駒過隙眼休耽二鬢侵藤人不知醉卧南窓笑梁
顥青雲得路髯如絲

醉後書

春來日日醉如泥散盡青錢復典衣一月陪人花下飲幾番扶
我月中歸無機使得除煩惱有耳何曾聽是非不是沉迷學劉
阮白頭忙伴眼中稀

街杯未醒復街杯那得春襟鬱不開對此賓朋終日醉知他富
貴幾時來衣沾紅雨簷花舞壺繫青絲換酒回笑彼三閭獨憔悴

悴到頭無骨葬蒿萊

寄友人

梅花香散無多日又是田家浸種時眨眼光陰容易過隨身造
化最難移多愁有兩驚春夢不偶無人愛我詩欲買蘭舟蕩雙
槳來從君處一開眉

葵花在奉先寺祥上人處賞

風流態度驚人目春盡相逢恨見遲得地根深能自保傾陽心
熱有誰知嬌如顰國承恩日艷比華清賜浴時移向東林伴禪
寂桑中月下斷佳期

登塔在慈雲寺

足躡雲梯步步高騰身今日上層霄先華得近一輪日空濶宜
看四海潮上下燈昏油燭短周遭風起鉢鈴搖老夫胸次多離

本東武李氏研錄
山房校鈔書

恨此際如冰一半消
題先主訪孔明圖

三過隆中訪卧龍英雄人自識英雄先生抱負名驚世帝胄經
營氣吐虹不怕南夷生孟獲何愁東洛有曹公君臣際會如魚
水共建中興第一功

採杞苗

採得青紅藥滿筐提歸一路暗吹香村中望去人煙近背後隨
來蜂蝶忙味辨君臣粗和刺火加文武謾煎湯老夫服罷攤書
坐細字能看眼有光

葵花在祥上人房賞

桃李爭妍紅白日吾葵正在寂寥中花逢五月人方見心與三
春草不同醉臉凝香烘夏日翠裙搖影對薰風分根得到禪那
地悟徹從前色是空

壽耕雲金處士

閒與漁樵淡結盟尋常身不入州城年過蒼耄猶康健眼見乾
坤正太平雞黍開筵無舊伴兒孫繞膝有懽聲不知漉酒陶巾
裡短髮今年白幾莖

山水圖

一帶山光暎水光地靈人盡愛文章苔溪西去無笠澤東
來有此鄉淨几虛簷招隱館牙籤玉軸讀書庄蒲輪若載微書
至使者休嫌石路荒

秋江與澄上人題

至東武李氏研錄
山房校鈔書籍

遙遙不斷接曹溪派出迦毘五國西雨過涵空微有影秋來微
底淨無泥洪濤聲裡深淘汰上客詩中舊品題碧漾玻璃金氣
肅芙蓉花發水禽啼

泊泊性海中流出分載慈航入化城一鏡含秋千頃碧三更浸
月十分清能除火宅癡兒熱可洗名場倦客纓任爾涼風與涼
雨攪心漚沫不重生

夢蕉與廣上人題

葉葉供書汗墨痕高低分綠映柴門如雲夜夜遮明月遇雪年
年保舊根懷素臨前陰已散王維畫裡跡猶存禪餘小脫袈裟
卧虛腕無端入夢魂

釣魚圖與寧上人題

不得金鱗未肯休朱涇渡口久淹留三年蓬底無煙火百尺絲
頭有釣釣青筠笠輕超爵弁綠蓑衣暖勝羊裘龍門隔斷桃花
浪多少魚鰕在下流

游西湖

十里長堤鎖六橋湖無鹹水不通潮人從歌管聲中醉船在丹
青畫裡搖日照桃花烘笑面風吹楊柳舞纖腰年年二月連三
月多少黃金此處消

虛舟號詩為明上人作

舟無物載載虛空泛泛隨流是處通大義江邊春解纜朱涇渡
口夜推蓬歸遲為阻桃花雨去速因逢楊柳風舵正不愁風雨

惡尋幽直過太湖東

至東武李氏研錄
山房校鈔書籍

發婦吟

苦在中腸說與誰燈孤帳冷夜眠遲天邊月有重圓夕地下無
人再見時隔世願為連理木今生已比斷頭絲曾從夢裡相逢
看拭淚歎歎話別離

漏澤園在蘇城

彷彿北邙山下村愁雲滿目寂無聞兩三四步穴連穴八九十
堆墳對墳上已尋芳人不到清明得祭鬼同分誰家犬吠斜陽
裡驚散蒿中孤鬼群

千堆土下埋腥腐盡是東西南北人可笑生前未曾識誰知死
後得為隣螢飛黑夜生陰火鬼到清明憶舊親怨血愁腸化為

草垂頭滴露似啼春

寄徐君

同醉香醪水寺中別來又隔兩三冬逢人幾次談清德對月多
遺想玉容策杖未尋藏霧豹題詩先寄抱珠龍良宵夢裡曾相
會又被僧敲報曉鐘

悼計大掾室

泪濕梁鴻袖因無舉案人貞魂歸月裡豔骨葬溪濱刺葉針頭
線增添鏡面塵畫欄空曲折不似舊時春

近日交

近日論交友不如雷與陳情濃前日富面冷暮年貧金盡義亦
盡口真心不真一朝投陷窅視等路人

悼聰禪師

如此傷心事百年誰可逃難饒三輔貴不怕五陵豪偶倒因停
線燈昏為盡膏今師亦已矣長別舊同袍

題畫與應天堂上人

高僧禪寂處路險石嶙峋啼雨有幽鳥敲門無俗人泉清流
入井樹老折為薪我欲携瓶錫相尋共結隣

挽潘隱翁

月黑秋暝外誰呼祈孔賓欲尋天上伴便弄夢中身冷落看山
展收藏滅酒中傷心粉社裡漸減白頭人

題畫

水好山幽處市衣人佔游既行仍坐坐欲去復留留林暝畫疑

夜溪涼夏是秋吳中有仙境何必問丹丘

未踏青雲路臨溪且釣魚自知貧有命不怨出無與愛結漁樵
伴曾看孔孟書終當見春日布煖到吾廬

游張墩次月菴韻

高僧修水觀菴卷與水為隣風裡浪催浪渡頭人喚人煙凝元是
氣氤破不成塵此處多清淨予來寄夢身

悼戚景昌

隣家招飲日君亦共持觴爾骨先歸土予心今未忘浮溷還作
水衰草不禁霜死別生離事分明夢一場

悼王氏母

白頭王氏母喬好出簪纓內抱幽閒德外聞慈孝名奉姑姑獨

樂教子子皆成忽熟瑤池夢比隣有哭聲

抱琴圖

銀箏與錦瑟新調有多般亂耳何嘈雜爭聽盡喜憶子期呼不
起叔夜見尤難囊裡焦桐在深藏且莫彈

扁舟圖

雲間陸魯望不是釣魚人避俗寡交友買舟聊寄身五湖游覽
遍三泖往來頻得此煙波趣何曾問蓑蓑

山東武李氏研錄
山房校鈔書籍

山東武李氏研錄
山房校鈔書籍